



INTERNATIONAL MONETARY FUND



Saopštenje za medije br. 17/520
DOSTUPNO ODMAH
22. 12. 2017. godine

Međunarodni monetarni fond
Washington, D.C. 20431 USA

MMF postigao dogovor na nivou osoblja sa Bosnom i Hercegovinom u pogledu prvog pregleda proširenog aranžmana u sklopu kreditne linije MMF-a za proširene aranžmane

Saopštenja za medije povodom okončanja misije obuhvataju izjave osoblja MMF-a koje prenose preliminarne nalaze nakon što misija posjeti zemlju. Stavovi navedeni u ovoj izjavi predstavljaju stavove osoblja MMF-a i ne predstavljaju nužno i stavove Izvršnog odbora MMF-a. Rezultati ove misije bit će predmet razmatranja Izvršnog odbora.

Misija Međunarodnog monetarnog fonda (MMF) posjetila je Sarajevo u periodu od 19. do 22. decembra/prosinca 2017. godine da bi razgovarala o prvom pregledu programa koji dobija podršku iz kreditne linije za proširene aranžmane (Extended Fund Facility—EFF). Na kraju posjete, šef misije za Bosnu i Hercegovinu, gosp. Nadeem Ilahi, dao je sljedeću izjavu:

“Osoblje MMF-a i vlasti u Bosni i Hercegovini postigli su sporazum, koji podliježe odobrenju Izvršnog odbora MMF-a, a u vezi politika koje će omogućiti osoblju MMF-a da preporuči zaključivanje prvog pregleda proširenog aranžmana u sklopu kreditne linije MMF-a za proširene aranžmane. Po ispunjavanju niza uslova, očekuje se da će Izvršni odbor početkom 2018. godine razmatrati zaključivanje prvog pregleda.”

“Vlasti su već ispunile nekoliko uslova tokom proteklih mjeseci. Nedavno je Parlamentarna skupština BiH usvojila povećanje akciza na gorivo, čime će biti deblokirana velika ulaganja u infrastrukturu, finansirana iz vanjskih izvora. Uz to, Narodna skupština Republike Srpske usvojila je budžet za 2018. godinu u skladu sa preporukama osoblja MMF-a.”

“U narednim danima, vlasti ostaju posvećene ispunjenju preostalih uslova. Očekuje se će Parlament FBiH usvojiti budžet za 2018. godinu u skladu sa preporukama osoblja MMF-a, a od Vlade FBiH se očekuje pokretanje temeljite procjene (due dilligence) za dva telekom preduzeća u vlasništvu Federacije BiH, BH Telecom i HT Mostar.”

“Očekuje se da će, po odobrenju Izvršnog odbora i zaključivanju pregleda, MMF doznačiti sredstva u iznosu od 63.4125 miliona SDR (približno 76 miliona eura).”